


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-89	Al-Fajr	30	1	Makkiyyah	Ke-10	6





### Zaman Diturunkan

Surah al-Fajr diturunkan pada peringkat ketiga kehidupan Rasulullah s.a.w. di Mekah di antara tahun ke-6 hingga ke-10 Kenabian, ketika itu kezaliman dan kekejaman pemimpin-pemimpin Quraisy Mekah sudah pun sampai ke puncaknya, mereka diancam dengan akibat buruk yang diterima oleh kaum 'Aad, Tsamud dan Fir'aun. Dikatakan, mereka sentiasa berada dalam perhatian Allah (Ayat: 14):

إِنَّ رَبَّكَ لَبِالْمِرْصَادِ ﴿١٤﴾

14. Sesungguhnya Tuhanmu tetap mengawas dan membalas, (terutama balasan akhirat)

Surah al-Fajr ada kesamaannya dengan Surah al-Buruj di mana ada disebutkan di dalamnya (Ayat: 12):

إِنَّ بَطْشَ رَبِّكَ لَشَدِيدٌ ﴿١٢﴾

12. Sesungguhnya azab Tuhanmu (terhadap orang-orang yang kufur ingkar) amatlah berat.

### Perkaitan Surah Al-Fajr Dengan Surah Sebelum Dan Selepasnya

1. Di dalam Surah al-Ghasyiah sebelum ini, pemandangan hari kiamat dikemukakan dan balasan yang berbeza kepada 2 golongan disebutkan. Ahli neraka digambarkan dengan firmanNya **وَجُودَ يَوْمَئِذٍ خَشِيعَةً** dan ahli syurga pula digambarkan dengan firmanNya **وَجُودَ يَوْمَئِذٍ نَّاعِمَةً**. Di dalam Surah al-Fajr ini pula dengan menyebutkan sifat-sifat orang mu'min sebagai **النفس المطمئنة** dan orang kafir sebagai **النفس غير المطمئنة**, akibat dan kesudahan yang berbeza bagi 2 golongan itu dipaparkan.

2. Di dalam surah ini dan Surah al-Balad selepas ini terdapat galakan supaya menegakkan keadilan kemasyarakatan. Kerana tidak percaya kepada tidak adanya hari kemudian, manusia menjadi terlalu cintakan harta dunia dan mereka merampas hak-hak anak yatim dan orang-orang miskin dan mereka memakan harta pusaka dengan cara yang tidak benar.